



Pisortat namminersortullu suliffeqarfiini atorfinerlaat 30-it inorlugit ukiullit tamarmik kiisalu atorfinerlaat killilimmik pisinnaasallit tamarmik qaammatini arfinilinni siullerni atorfeqarnerminnut atatillugu siunnersorteqartinneqalissappata/ikorfartorteqartinneqalissappata tamatuma iluaqutissartai ajoqutissartaalu allaaseralugit Naalakkersuisut nassuiaasioqqullugit peqquneqarnissaanik Inatsisartut aalajangiiffigisassaattut siunnersuut. Taamatut aqqissuussisoqarpat tamatuma pisortanut namminersorlutillu inuussutissarsiteqartunut qanoq akeqarsinnaanerani naatsorsuinernik nassuiaat imaqassaaq..

(Inatsisartunut ilaasortaq Anna Wangenheim, Demokraatit)

Naleqqamiit Inatsisartuni ilaasortaq Anna Wangenheim, Demokraatit, siunnersuutaanut qutsaviginiarparput.

Inuusuttut aamma inuit innarluutillit suliffeqarnermi atugassarititaasut pitsaasut qulakkeerneqarnissaat pingaaruteqarluinnartoq Naleramiit maluginiarparput. Siunnersuut una nalunaarusiamik suliaqarnissaq, qaammatini sisamani siullerni nutaanik atorfinitsitaasunut mentoring-imik aqqissuussinerup iluaqutissartai ajoqutaallu misissorlugit, tassaavoq sulinermi pissutsit pitsaanerusut pilersinneqarnissaannut aammalu gruppinit taakkununga, suliffeqarfimmut isernerminni ikiorneqarnissamik pisariaqartitsisinnaasunut, iliuuseqarnissaq.

Ikorfartuisoqarnerup periarfissai

Sulisut nutaat mentor-imik imaluunniit supervisorimik ataqtigiissitsineq suliffimmi ataatsimoorneq nukittorsarniarlugu, suliffimmi naammagisimaarinnineq annertusarniarlugu aammalu siusinaartumik unittoqqasinnaanermik annikillisaanissamut iluaqutaasinnaavoq. Pingaartumik inuusuttunut 30-t inorlugit ukiulinnut suliffissuarmi misilittakkatik siulliit pitsaasuunissaannut aqqutissiuussisinnaavoq, aammalu inuit sulisinnaassuseqanngitsut suliffimmi kulturimik nutaamik ingerlateqqinnissamut pisariaqartumik tapersersuisunngorsinnaavoq.



Aningaasartuutit aamma akisussaaffiit

Taamaattorli taamatut aqqissuussineq namminersortunut pisortanulluunniit sulisitsisunut ajornakusoortinneqannginnissaa pingaartutut isigaarput. Taamaattumik nassuiaammi erseqqissumik nassuiarneqartariaqarpoq aningaasatigut kingunerisassai aammalu aningaasartuutit qanoq agguataarneqarsinnaanersut matussuserneqarsinnaanersulluunniit misissorneqartariaqarlutik, ass. pisortat tapiissutaat imaluunniit suliffeqarfiit oqartussallu akornanni suleqatigiinnermik malittarisassat aqqutigalugit. Pingaaruteqarpoq eqqissisimatitsinissaq qulakkeerlugu, tassani marluulluta periarfissanik pilersitsisarluta aammalu suliffeqarfinnut piviusunngorsinnaanngitsunik piumasqaateqannginnissaq.

Sumiiffimmi naleqqussaaneq

Aamma pisariaqartinneqarpoq sunaluunniit ilitsersuisarneq Kalaallit Nunaanni pissutsinut naleqqussarneqassasoq. Nunani allani imaluunniit nunap immikkoortuini allani periutsit Kalaallit Nunaannut toqqaannartumik nuunneqarsinnaanngillat. Nammineq unammilligassaqarpugut, sulisussarsiorfiup annertussusaanut tunngatillugu aammalu ilitsersuisunik ilinniarsimasunik pissarsisinnaanermut tunngatillugu, pingaartumik illoqarfinni nunaqarfinnilu minnerusuni.

Malinnaaneq aamma atuutsitsineq

Naggataatigut taamatut aqqissuussineq, iluaqutaasinnaasoq uppersarsarneqarpat, atuutilersinneqarnerata kingorna sukumiisumik nalilersorneqarnissaa kissaatigaarput. Qulakkeertariaqarparput anguniakkanik angusaqarnissaa aammalu ilumut inuit siunertarineqartut iluaqutaanissaa.

Nalunaarusiaq atuarnissaanut inerniliineralu nalilersornissaanut qilanaarpugut, neriutigaarpullu inuusuttut aamma inuit innarluutillit suliffeqarnermi qanoq pitsaanerpaamik tapersorsinnaanerivut erseqqissumik takuneqarsinnaassasut.

Taamatut oqaaseqarluta ataatsimiititaliamut sukumiisumik suliarineqartussanngorlugu ingerlateqqipparput

Qujanaq.